



督漕疏草

總督淮揚等處地方提督漕運海防軍務兼理糧餉兵部右侍郎兼都察院右副都御史臣董訥



己巳集

題鳳陽倉收放錢糧案內各項無完職名

題爲陳請錢糧實有可增之處應專委部員徵收  
事據淮安府知府單務孜詳稱蒙前總漕馬部  
院牌開康熙二十七年十月十一日准戶部咨  
雲南清吏司案呈戶科抄出總漕馬世濟題前  
事等因康熙二十七年八月十八日題九月初



七日奉

旨孫居湜等著議處具奏該部知道欽此欽遵於本月初八日抄出到部查得先經原任總漕慕天顏咨稱鳳倉監督蘇爾德自康熙二十三年八月二十一起至二十四年八月二十七日止收放錢糧案內鳳陽等衛於二十五年解淮庫銀三百八十七兩二錢二分零又邳宿二州縣未完銀一千二百九十二兩二錢七分零本部將解淮銀兩行令解部未完銀兩行令催完如不完即將催徵之官

題叅去後今總漕馬世濟疏稱鳳陽等衛解淮銀兩內二百八十一兩三錢八分零在淮庫二十五年

奏銷存剩銀內撥解河工支用又銀一百五兩八錢四分零已經給發泗州等衛灾缺月糧其邳宿二州縣未完康熙二十三年鳳倉米麥折銀一千二百九十二兩二錢七分零係前報舛錯之數今查實係未完銀一千四百二十四兩五錢二分零業已查明更正屢檄行催杳無完解所有承追怠玩之邳州經徵知州孫居湜宿遷

縣經徵知縣祖寅亮並舛錯之前署淮安府事  
同知盧士傑相應

題叅等因前來查撥解河工銀兩應令速催歸還  
原款解部其給發泗州等衛月糧淮庫冊內係  
五百九十三兩一分零前銀是否在內無憑查  
覈應令將細數開明報部查覈其承追怠玩之  
邳州經徵知州孫居湜等並舛錯之前署淮安  
府事同知盧士傑相應交與吏部議處其未完  
銀兩作速催完報部可也爲此合咨前去查照  
施行等因移咨到部院准此擬合就行爲此仰

府官吏查照部文奉

旨內事理即將前項撥解河工銀兩速催補還原款  
解部又給發泗州等衛月糧銀兩速行查明細  
數詳報又邳宿二州縣未完銀兩作速催完一  
併具文詳報以憑咨覆等因蒙此該卑府凜遵  
當卽逐款分晰詳報前部院在案蒙批撥解河  
工銀兩遵照部文速催歸還原款其給發泗州  
等衛災缺月糧雖將一百五兩八錢零各數開  
列並未將部文行查五百九十三兩零細數一  
總開報至邳宿二州縣未完鳳折銀兩乃漕項



之款何以遽援  
上諭混請蠲免均未妥確仰再逐一遵照部文查催  
完報以憑覈咨不得遲延繳速速蒙此該卑府  
復查得康熙二十五年三月初三日鳳倉分司  
差宋榮等解鳳陽鳳中鳳右長淮四衛康熙二  
十四年起運二十三年分灰石減存一半折色  
月糧銀一百五十六兩四錢此銀造入康熙二  
十五年灰石冊內入

奏在案又於四月十七日鳳陽縣差李長華解康  
熙二十三年分減存米一百四石一斗五升三

勺九抄八撮每石一兩二錢共銀一百二十四  
兩九錢八分四毫七絲七忽六微此銀造入康  
熙二十五年減存冊內入

奏在案二項共合二百八十一兩三錢八分零之  
數在於該年

奏銷存剩銀五萬九千六十三兩二錢五分零之  
內撥解河工濟用已於三月二十八日奉總河  
王部院牌飭下府內開查天津麥價據鮑士銓  
呈稱完過銀三千兩見在給發咨批起解其未  
完銀兩亦卽給批令士銓等守催天津道追比

全完解交戶部仰府知照毋違等因蒙此再查  
康熙二十五年正月二十三日鳳陽衛差楊廷  
玉解康熙二十四年起運二十三年分頭幫減  
零船六分減丁六名應減折色月糧共銀一十  
一兩四分五個月米一十二石每石九錢折銀  
十兩八錢七個月麥一十六石八斗每石五錢  
折銀八兩四錢鳳陽衛差姚有恩解康熙二十  
四年起運二十三年分二幫減零船五分減丁  
五名應減折色月糧共銀九兩二錢五個月米  
十石每石九錢折銀九兩七個月麥一十四石

每石五錢折銀七兩鳳陽中衛差宋魯解康熙  
二十四年起運二十三年分頭三兩幫減存零  
船共一隻內該一半折色月糧銀十八兩四錢  
該一半本色米麥照例折銀三十二兩共合部  
開一百五兩八錢四分零之數又鳳陽中衛差  
李壘解康熙二十三年起運二十二年分三幫  
減存船一隻米麥折價銀三十二兩折色銀十  
八兩四錢懷遠縣差王明解徵完康熙二十五  
年起運二十四年分壽州衛荒減月糧一半折  
色米銀二十八兩四錢八分三釐五毫懷遠縣



差王明解康熙二十五年起運二十四年分壽州衛荒減一半本色月糧米五十六石九斗六升七合每石九錢共銀五十一兩二錢七分三毫如臯縣差顧龍解康熙二十四年分解淮減存銀一十三兩四錢八分九釐八絲六忽又二十八日淮安衛差王璧解康熙二十四年起運二十三年分永減月糧銀一百一十三兩三錢七分二釐四毫七絲一忽四微四纖遮洋幫續減銀二十二兩五錢九分八釐四毫八絲六忽一微含山縣差趙燦解康熙二十四年起運二

十三年分滁糧減存本色行糧米八石四斗每石一兩二錢共折銀十兩八分月糧米二十六石八斗八升每石折銀一兩共銀二十六兩八錢八分滁糧減存折色行糧銀三兩三錢六分月糧銀十二兩三錢二分如臯縣差王楊解康熙二十三年分本府軍儲倉並縣倉改解府倉運軍月糧米折銀九十一兩六錢四分三釐麥折內找完銀三十三兩五錢二分四釐四毫四絲四忽又與如臯縣差顧龍解到本縣應扣揚州衛康熙二十四年起運二十三年分留漕減

存本色月糧麥內先徵完麥六十五石三斗五升每石折銀五錢共銀三十二兩六錢七分五釐之內動銀二十九兩七錢五分六釐四毫四絲一微五纖一沙一塵四埃三渺七漠二巡共奏銀五百九十三兩一分七釐七毫二絲七忽六微九纖一沙一塵四埃三渺七漠二巡奉前總漕徐部院牌准戶部咨動支通漕減存銀兩給發泗州衛前後二幫屯丁董緯等領康熙二十一年起運二十年分災缺撥補折色月糧銀五百九十三兩一分七釐七毫二絲七忽六微

九纖一沙一塵四埃三渺七漠二巡訖收支造入康熙二十五年減存冊內久經入

奏達部覈銷在案再查邳宿二州縣未完銀一千四百二十四兩五錢二分零卑府敢不竭力嚴追以副定限第查此項鳳折原係撥供濟漕之款何敢遽請

上諭蠲免茲因見奉各院轉奉

上諭頒示通飭原未分註漕項字樣屢奉嚴檄查取積逋民欠細冊非獨邳宿二邑乃係彙取淮屬海邳山清桃宿十一州縣凡在積逋民欠者盡



數開冊請蠲各屬無論起存地丁漕項米麥豆等項錢糧俱在一槩觀望候

旨定奪不惟百姓不肯輸納而督追之官亦不敢違旨追呼等因蒙批漕項錢糧已經准有江寧撫院具題部覆不在蠲免之內在案今邳宿二邑未完銀兩何得遽請蠲免仰速遵照新准部例將應參各職名分別某員已經參過某員未經參過逐一詳報覈奪繳蒙此該卑府查得邳宿二邑未完原撥供漕鳳倉麥米折銀一千四百二十四兩五錢二分零卑府敢不力追完報以副定限

今查邳州未完銀五百四十四兩一分九釐六毫二絲零據該州士民陳肇憲等民本所

奏請蠲積欠數內見在遵候奉

旨定奪至於宿遷縣未完銀八百八十兩五錢九釐九毫零任催無完今奉本部院批仰前因遵查新例分別已叅未叅逐一詳報查此案先奉前部院

牌開康熙二十七年十二月初七日准吏部咨開考功清吏司案呈奉本部送該本部覆戶部咨前事除舛錯之前署淮安府事同知盧士傑已經病故邳州知州孫居湜已經別案革職均

無容議外議得戶部咨稱鳳倉監督蘇爾德康熙二十三年收放錢糧案內邳宿二州縣未完米麥折銀兩屢檄行催杳無完解將承追怠玩之宿遷縣知縣祖寅亮等交與吏部議處等因前來應將宿遷縣知縣祖寅亮照例降俸二級戴罪督催康熙二十七年十一月十一日奉旨依議欽此欽遵抄部送司相應移咨前去欽遵施行等因移咨到部院准此擬合就行爲此稟仰淮安府官吏查照來文並准部覆奉

旨內事理轉行欽遵毋違等因遵奉轉飭在案則邳

州知州孫居湜經前總漕馬部院

題叅部覆因別案革職免議今復奉留任雖據詳稱該州未完之銀據士民

奏請蠲免見奉撫院查

題但未奉准有部覆仍應補叅至宿遷縣未完銀八百八十兩五錢零初叅接徵知縣李遇桂承追無完除見在勒追外理合一併詳叅合候本部院俯賜具

題等因到臣該臣看得鳳陽倉監督蘇爾德自康熙二十三年八月二十一起至二十四年八



月二十七日止收放錢糧案內各項部文行令將撥解河工銀兩速催歸還原款其給發泗州等衛月糧將細數開報未完銀兩作速催完等因經前總漕臣馬世濟檄行淮安府遵照去後及臣莅任接管又經駁催今據該府知府單務孜詳稱撥解河工銀兩已奉總河臣王新命牌飭天津麥價完過銀三千兩其未完銀兩亦卽給批守催天津道追比全完至解淮減存銀一百五兩八錢四分零遵奉部文動給泗州衛前後二幫屯丁康熙二十一年起運二十年分災

缺折色月糧訖其邳州未完銀五百四十四兩一分零該州知州孫居湜經前總漕臣馬世濟題叅部覆因別案革職免議今復奉留任雖據詳稱該州未完之銀士民

奏請蠲免見奉查

題但未准部覆仍應查議至宿遷縣未完銀八百八十兩五錢零接徵知縣李遇桂承追無完該府將初叅之宿遷縣並補叅之邳州知州各職名詳覆前來則宿遷縣接徵知縣李遇桂邳州經徵知州孫居湜怠玩之咎臣不敢爲之寬也

相應

題參再照臣於本年四月初一日莅任接管合併  
聲明伏乞

勅部議覆施行康熙二十八年六月二十七日宗

題

題查追泗州衛未抵通船違限職名

題爲察覈通庫收支錢糧以清混冒事據淮安關

倉分司宗人府左司理事官覺羅莫理溥詳稱

蒙前總漕馬部院牌開康熙二十七年十一月

二十五日准戶部咨雲南清吏司案呈准總漕

馬世濟咨前事到部查得先經原任總漕慕天

顏將淮徐二倉康熙二十四年分行月錢糧案

內駁查各款造冊咨部本部將未明各款行令

查叅追報去後今總漕馬世濟咨稱據淮倉分

司造冊詳覆到院除批仰確查詳報外相應咨



明等因前來應仍咨該督速行查明報部可也  
爲此合咨前去查照施行等因移咨到部院准  
此擬合就行爲此稟仰淮安關倉分司查照來  
文並准部咨內事理卽將前項駁查各款速行  
查明造報具詳以憑咨覆毋遲等因蒙此查原  
詳內開蒙署理漕務總河王部院牌開康熙二  
十七年五月初七日准戶部咨雲南清吏司案  
呈准總漕慕天顏咨前事到部查得先經署總  
漕靳輔將淮徐二倉支給康熙二十四年分行  
月錢糧各款造報

奏銷本部將不符各款行令查明去後今總漕慕  
天顏造冊咨覆前來查冊開一支給出運丁船  
行月錢糧先經本部以內有淮安衛頭幫未抵  
通船二隻四幫未抵通船一隻大河衛二幫未  
抵通船一隻前幫未抵通船一隻泗州衛後幫  
未抵通船一隻共給過行糧銀一十五兩五錢  
零米麥三十八石七斗六升零月糧銀一百八  
兩七錢二分零米麥一百石行令查明報部今  
冊稱淮安衛頭幫旗丁姚祥王登黃君湯二船  
淮安衛四幫旗丁盧琦一船大河衛二幫旗丁

督漕疏草 卷之六 三  
徐元允魁船一隻大河衛前幫旗丁陳元乾一  
船俱係失風其糧米僱船裝載抵通等語查以  
上五船果否失風糧米曾否收受全完應劄行  
坐糧廳查明報部再議又稱泗州衛後幫未抵  
通船一隻據該分司冊稱頻催該衛抗不申覆  
等語今該督將遲延違限之官竟不  
題叅止稱見在行催不合相應行令該督速行嚴  
催查明報部仍將遲延違限之官

題叅一支給出運丁船行糧內先經本部以內有  
揚州衛頭幫未抵通船一隻廬州衛六幫未抵  
通船一隻頭幫未抵通船一隻共給過行糧銀  
一十九兩九錢二分麥四十九石八斗行令查  
明報部今冊稱揚州衛頭幫未抵通船一隻乃  
屯丁范劉芳漕船失風糧米已僱民船抵壩交  
卸全完其廬州衛頭幫坐派丁船裝運抵通交  
納全完並無未抵通船隻等語均應行令坐糧  
廳查明報部再議又稱廬州衛六幫旗丁梁之  
朋一船被風漂沒豁免在案等語查旗丁梁之  
朋船糧漂沒係何案內具

題豁免並未聲明無憑查覈應令開明報部查覈



一給徐州衛辦料銀一千二百三十九兩先經本部以未經開明辦何項物料行令查明報部今冊稱係解交清江廠辦料給旗等語應令將給過旗丁姓名並造過船隻開明報部查覈一給徐州衛廠軍口糧銀四十五兩先經本部查二十三年分

奏銷案內業已此項口糧銀兩不應支給行追今又行給發不合行令追完報部今冊稱目覩各軍情實可憫敲朴難完等語查打造船隻給有料價銀兩何得又給廠軍口糧應令該督速行

追完報部一解淮安府月糧麥折銀六十七兩九錢七分零先經本部行令解部今冊稱應聽該府附搭起解等語應令該督速催附搭解部一給二十三年分不敷月糧銀一百九十三兩五錢八分零先經本部查二十三年分月糧

奏銷案內並無未給之項何得又將二十四年分銀兩支給行令嚴查報部今冊稱二十三年分共收過四稅月糧銀九千六百七十二兩二錢一分零共解給過月糧並各官廩工以及減存通共銀九千八百六十五兩八錢除收過銀兩

儘數支解外仍不敷月糧銀一百九十三兩五錢八分零等語查二十三年分月糧如果不敷當日因何不行咨部撥給且錢糧各有年分二十四年分銀兩不應支給二十三年分月糧應令該督將前項銀一百九十三兩五錢八分零嚴查解部一動賑米九百九石四升零先經本部將此動賑米石與二十三年

奏銷案內動賑米麥二千三百一十五石八斗零合算共有三千二百二十四石一斗四升零其被災州縣案內江撫

題報賑過饑民冊開止動過淮倉米麥三千一百七十五石四斗零計多報四十八石七斗二升零行令查明報部今冊稱俟江撫咨明至日另覆等語應令作速查明報部一撥給二十五年分行糧米四百七十五石九斗一升零先經本部以應俟二十五年分

奏銷到日查覈今冊稱二十五年分漕項錢糧見在查造

奏銷等語仍應俟

奏銷到日查覈一扣存銀五千三百三十一兩米



麥三千九百七十八石二斗六升零先經本部  
行令將銀兩解部米麥留支新運月糧今冊稱  
各案減存並月糧項下支餘麥共三千六百九  
十六石二斗一升八合零湊給二十五年分本  
色月糧俟二十五年分

奏銷之時登報等語應俟二十五年分

奏銷到日查覈又稱灰石減存麥二百七十石四  
升三合零見在搭給二十六年分本色月糧俟  
給完另報等語應令給完報部又稱原扣大河  
衛二幫二十三年分減存月糧米麥一十二石

每石變價五錢共銀六兩解部等語查麥每石  
變價五錢米每石九錢今前項減存本色米麥  
不行分晰變價不合應令速行分晰增補報部  
一未完銀二千六百四十七兩六錢九分零麥  
五千四百五十一石八斗五升零先經本部以  
行月錢糧如有未完

奏銷案內例應將催徵各官開列未完分數

題叅行令該督

題叅到日再議未完銀麥速行催完今冊稱未完  
銀麥前司在議定考成等事案內

督漕疏草 卷之六  
題叅應俟彼案內追給等語查徐州倉行月錢糧  
奏銷之時將未完各官開列分晰

題叅此淮倉未完銀麥自應照例開列

題叅何稱應俟議定考成案內追給應令該督速  
查職名

題叅未完銀麥催完報部可也爲此合咨前去查  
照施行等因到部院准此擬合飭行爲此牌仰  
該司查照咨文內事理即將部駁康熙二十四  
年分行月各款遵照逐一清追應報叅者速行  
報叅應登荅者據實登荅應回報者照款回覆

應嚴追者卽行追完應解部者嚴催起解應嚴  
查者查明登荅應搭給者按數搭給應增補者  
照數增補至未完銀麥一併嚴催全完逐項造  
冊回報以憑覈覆不得任延自取其咎不便等  
因蒙此該本司查得康熙二十四年分漕項  
奏銷案內奉文行查各款遵照逐一分晰查追今  
據各該衛府廳申移前來遵照分晰造具登荅  
清冊相應詳請伏祈本部院俯賜咨

題等因到臣該臣看得淮徐二倉康熙二十四年  
分行月錢糧案內駁查各款經前總漕臣馬世



督漕疏草 卷之六  
濟准到部文檄行准倉分司遵照去後及臣莅任接管又經行催今據淮安關倉分司宗人府左司理事官覺羅莫理溥詳稱奉文行查各款遵照逐一分晰造具登荅清冊並冊開泗州衛後幫未抵通船一隻於康熙二十六年七月二十一日奉到部文行查扣至康熙二十六年十一月二十日四個月限滿並無回覆泗州衛守備陳謀違限二十五日等因將各款詳覆前來查泗州衛守備陳謀承查泗州衛後幫未抵通船一隻既經該司查明違限二十五日除原冊

送部查覈外相應

題 參再照臣於本年四月初一日莅任接管合併聲明伏乞

勅部議覆施行康熙二十八年六月二十七日  
題

題經徵接徵邳宿二十三年月糧減存未完  
題爲察覈通庫收支錢糧以清混冒事據淮安府  
知府單務孜詳稱蒙前總漕馬部院牌開康熙  
二十七年十月二十五日准戶部咨開雲南清  
吏司案呈查得先經本部將鳳陽等衛康熙二  
十三年分月糧案內減存銀兩行令查明解部  
去後今總漕馬世濟造冊咨覆前來一減存銀  
三百八十七兩二錢二分零先令查明催解今  
稱已於二十五年解交淮庫等語查與淮庫冊  
內收數相符應毋庸議一永減月糧九千六百



六十七兩三錢六分零先稱內已完銀六千四百四兩五錢五分於二十三四年解准本部以淮庫冊內收有此數其餘銀三千二百六十二兩八錢一分零未經聲明行令查明報部今稱前項解淮銀六千四百四兩五錢五分數內應挖出睢寧縣溢解銀九十兩六錢四分零實完解本案銀六千三百一十三兩九錢六分零尚該銀三千三百五十三兩四錢零內係桃宿沐三縣各案蠲停銀一千九百二十八兩八錢七分零邳宿二州縣未完銀一千四百二十四

兩五錢二分零等語查桃宿沐三縣蠲停銀兩付查江南司回稱各案蠲款冊內止有總數並無永減月糧細款無憑查覈應令該督逐一分晰開明報部至邳宿二州縣未完銀兩應令照限作速催完報部一鳳倉項下尚有邳州涸田陞科銀一千一百六十九兩五錢六分零咨內未經聲明應令該督查明解部可也爲此合咨前去查照施行等因移咨到部院准此擬合就行爲此牌仰該府官吏查照部文事理即將桃宿沐三縣蠲停銀兩逐一分晰永減月糧開明

督漕疏草 卷之二  
細數報部至邳宿二州縣未完銀兩照限作速  
催完一併具文詳報以憑查覆毋遲等因蒙此  
該卑府遵將桃宿沐三縣各案蠲停造具細冊  
見在申送其邳宿二州縣原撥供漕未完銀一  
千四百二十四兩五錢二分零一任卑府嚴檄  
追呼抗不完解今查邳州未完銀五百四十四  
兩一分九釐六毫二絲零雖據該州士民陳肇  
憲民本所

奏請蠲積欠數目見在撫院查  
題尚未奉有部覆至於宿遷縣未完銀八百八十

兩五錢九釐九毫零任催無完又邳州涇田陞  
科銀一千一百六十九兩五錢六分零雖亦在  
邳州士民陳肇憲等民本數內但亦未奉有部  
覆合將邳州初叅經徵知州孫居湜宿遷縣初  
叅經徵知縣祖寅亮接徵知縣李遇桂各職名  
相應開明伏候查覈具

題等因到臣該臣看得鳳陽等衛康熙二十三年  
分減存月糧銀兩一案部文行令將桃宿沐三  
縣各案蠲停銀兩分晰細數報部邳宿二州縣  
未完銀兩催完報部尚有邳州涇田陞科銀兩



查明解部等因經前總漕臣馬世濟准到部咨  
檄行淮安府遵照去後及臣莅任接管又經行  
催令據淮安府知府單務孜詳稱桃宿沐三縣  
各案蠲停造具細冊見在申送其邳州未完銀  
五百四十四兩一分零雖據士民

奏請蠲免尚未准有部覆宿遷縣未完銀八百八  
十兩五錢九釐零任催無完又邳州涸田陞科  
銀一千一百六十九兩五錢六分零雖稱亦在  
士民請蠲數內亦未准有部覆將邳宿二州縣  
初叅各職名開報前來則邳州經徵知州孫居

湜宿遷縣經徵知縣祖寅亮接徵知縣李遇桂  
等怠玩之咎臣不敢爲之寬也除原冊送部查  
覈外相應

題叅伏乞

勅部議覆施行康熙二十八年六月二十七日

題

題承追長淮衛添船月糧無完職名

題爲錢糧綜覈宜嚴敬陳末見以佐

國用事據淮安府知府單務孜詳稱蒙前總漕馬部院牌開康熙二十七年十二月二十九日准戶部咨開雲南清吏司案呈准總漕馬世濟咨前事到部查得先經原任總漕慕天顏咨稱淮庫二十一年支給長淮等衛二十年分添船月糧銀一千三十一兩八錢五分零內長淮衛帶運十八年分災缺添船十一隻月糧銀一百三十二兩係應給之項其餘添船月糧銀八百九



十九兩八錢五分零於下年錢糧抵還本部以長淮衛添船月糧銀兩既稱係應給之項此船於何年何案內准添行令查明到日再議其餘添船月糧銀兩應令速行追完報部去後今總漕馬世濟咨稱除儀真衛未完銀兩見在

題叅淮大等衛未完銀兩扣完咨覆其長淮衛添船月糧銀兩動支月日緣由造冊咨達等因前來查儀衛添船月糧銀六十八兩六錢八分零已據該督以怠玩

題叅在案應作速追完其淮大等衛添船月糧銀

八百三十一兩一錢七分零仍令遵照前咨速行追完報部其長淮衛添船一十一隻本部並無准其添船之案應令該督將給過月糧銀一百三十二兩速行追完報部可也爲此合咨前去查照施行等因移咨到部院准此擬合就行爲此牌仰該府官吏查照來牌並准部文內事理卽將儀真衛添船月糧銀六十八兩六錢八分零速行追完淮大等衛添船月糧銀八百三十一兩一錢七分零仍遵前咨速行追完長淮衛添船一十一隻並無准其添船之案應將給

過月糧銀一百三十二兩速行追完其內有應  
轉移行者查明轉行一併具文詳報以憑咨覆  
毋違等因奉此該卑府查得淮大等衛添船月  
糧銀兩內儀真衛月糧銀六十八兩六錢八分  
見在淮倉分司衙門扣留具批徑解戶部又大  
河衛二三兩幫月糧銀六百六十九兩四錢有  
見運各丁應領邳山安沐贛五州縣康熙二十  
八年起運二十七年分月糧扣解又泗州衛月  
糧銀八十六兩四錢有見存山陽縣庫康熙二  
十六年起運二十五年分折色銀二十八兩二

錢九分並沐陽縣康熙二十八年起運二十七  
年分折色月糧銀三十六兩四錢六分本色麥  
五十四石五斗零扣抵前項又淮安衛應扣月  
糧銀七十五兩三錢七分有康熙二十七年  
起運二十六年分沐陽縣本色麥五十三石一斗  
五升七合海州本色米四十四石四斗八升二  
合本色麥一十七石五斗一升六合見存大軍  
倉扣留全完見今檄行該州縣照依漕例易銀  
折解除儀真等衛扣抵外惟有長淮衛月糧銀  
一百三十二兩屢催無完倚恃隔屬今已限滿



合將該衛守備茅士璉職名揭報查係初叅伏乞俯賜

題叅等因到臣該臣看得淮庫康熙二十一年支給長淮等衛康熙二十年分添船月糧銀兩部文行令查追經前總漕臣馬世濟檄行淮安府遵照去後及臣莅任接管又經行催今據淮安府知府單務孜詳稱儀真衛月糧銀六十八兩六錢八分在淮倉分司衙門扣留解部又大河衛二三兩幫月糧銀六百六十九兩四錢在於見運各丁應領邳州等五州縣康熙二十七年

分月糧扣解又泗州衛月糧銀八十六兩四錢有山陽縣存庫康熙二十五年分折色銀二十八兩二錢九分並沭陽縣康熙二十七年分折色銀三十六兩四錢六分本色麥五十四石五斗零扣抵又淮安衛應扣月糧銀七十五兩三錢七分有康熙二十六年分沭陽縣麥五十三石一斗零海州本色米四十四石四斗八升零麥一十七石五斗一升零扣留見今檄行該州縣照例易銀折解除儀真等衛扣抵外惟有長淮衛月糧銀一百三十二兩屢催無完今已限

卷之六  
三  
滿將守備茅士璉初叅職名開報前來查儀真等衛應追月糧既經扣抵其長淮衛應追銀兩今已限滿並無追完則怠玩之咎臣不敢爲長淮衛守備茅士璉寬也除原揭送部查覈外相應

題叅再照臣於本年四月初一日莅任接管合併聲明伏乞

勅部議覆施行康熙二十八年六月二十七日

題

題失報徐州倉二十四年易變無完職名

題爲催解錢糧事案查康熙二十七年十二月十九日准戶部咨開雲南清吏司案呈戶科抄出總漕馬世濟題前事康熙二十七年十一月初六日題本月二十日奉

旨王緒著議處具奏該部知道欽此欽遵於本月二十一日抄出到部查得總漕馬世濟疏稱徐倉康熙二十四年存剩麥一千八百七十石五斗三升零豆一千六百六十三石五斗零並不易變完解所有徐州衛守備王緒怠玩之咎不敢



爲寬等因

題叅前來應將守備王緒交與兵部議處未完麥豆仍令該督速催折銀解部可也爲此合咨前去查照施行等因移咨到前總漕臣馬世濟當卽檄行徐州倉徐州知州王永清速催折銀解部去後又經臣接管行催至今未據詳覆該臣看得徐州倉康熙二十四年存剩麥豆並不易變完解經前漕臣馬世濟

題叅部覆將徐州衛怠玩守備王緒議處移咨在案又經前漕臣馬世濟檄行徐州倉速催折銀

解部至今定限已滿並未據該倉催完詳報查此案前經徐州倉詳報徐州衛守備王緒怠玩題叅議處續奉部文仍行該倉速催折銀解部今限期已滿而該倉並不將原叅怠玩之官報叅顯有徇庇情弊則徐州倉徐州知州王永清臣不能爲之寬也相應

題叅再照臣於本年四月初一日蒞任接管合併聲明伏乞

勅部議覆施行康熙二十八年六月二十七日  
題

題經徵邳州二十五六年收放各款未完  
題爲陳請錢糧實有可增之處應專委部員徵收  
事據淮安府知府單務孜詳稱蒙前總漕馬部  
院牌開康熙二十七年十二月初三日准戶部  
咨開雲南清吏司案呈據鳳倉監督呈前事查  
得先經本部將鳳倉監督戴納自康熙二十五  
年七月二十八日起至二十六年七月二十七  
日止收放錢糧案內不符款項行令查明存剩  
銀兩行令解部去後今該倉監督安褚庫造冊  
呈覆前來查冊開一給鳳陽等衛二十五年分



月糧銀六千三百七十四兩九錢二分米麥一萬六千九百八十四石四斗內應扣各衛減存銀一百七十六兩六錢四分零米麥四百六十石八斗先經本部以應扣減存外該支銀六千一百九十八兩二錢八分米麥一萬六千五百二十三石六斗計多開銀九十九兩四錢四分少開米麥五百二十三石二斗行令查明今稱因將鳳陽中衛頭三兩幫實支銀兩米麥誤寫以致數目不符等語既經聲明應無庸議其實支銀麥與總漕

奏銷冊內給軍總數相符亦無庸議一存剩銀一萬兩先稱俟三季搭解本部行令作速解部今稱已經差役張起育解部等語查已經解到收訖應無庸議一存留支給俸工等銀四千四百三十三兩三錢九分零先令將支給細數開報今據造冊送部隨將原冊移查江南司回稱冊開鳳陽鳳中鳳右長淮四衛守備四員每員支給俸工銀一百九十三兩三錢九分零千總二十二員每員支給銀一百八兩七錢六釐百總七員每員支給銀五十四兩查該年屯衛

奏銷冊內守千百總支給銀數雖符但千百總名數不符又鳳左鳳前鳳後懷遠四衛裁缺守備四員每員銀一百九十三兩三錢九分零洪塘所千總一員俸工銀一百一十六兩七錢六釐歸衛冊內止有守千百總俸薪廩工等銀總數並未明晰細數等語均應移咨安撫逐一查明報部查覈一五河盱眙二縣灰石減存米三十七石九斗七升二合每石一兩二錢折銀四十五兩五錢六分零先稱於二十六年解淮本部以俟淮庫

奏銷到日查覈今查與

奏銷冊內數目相符無庸議又鳳陽定遠二縣解淮米一百三十一石九斗三升零先令開明解淮年月今稱內定遠縣米二十七石七斗八升七合每石一兩二錢折銀三十三兩三錢四分零於二十六年解淮鳳陽縣米一百四石一斗五升零每石一兩二錢折銀一百二十四兩九錢八分於二十七年解淮等語查二十六年解淮米折銀兩與淮庫

奏銷冊內數目相符應無庸議其二十七年解淮



米折銀兩俟

奏銷到日查覈又虹縣解淮米六石五斗二升三合先因淮庫二十五年

奏銷冊內並無此數行令查明今稱屢催該縣未據申報俟新任監督查催造報等語應令作速查明報部查覈一撥解淮庫銀七千八百六十九兩八錢六分零先令總漕開明解淮月日今仍未開明應令作速開明報部查覈蠲停銀九千四十八兩五錢一分零先令將蠲停細數開報今據造冊送部隨將原冊移查江南司回稱各

屬蠲停銀兩係積荒永蠲之項每年俱照額扣蠲等語既經江南司查明應無庸議一邳州有新涸田地應徵解倉銀一千一百五十一兩七錢一分零先稱見在檄催起解淮庫本部行令作速徵完如不完將催徵各官

題叅今稱已經具詳總漕轉檄江藩並淮安府嚴查明確等語應令總漕作速查明徵完報部如再不完將催徵官員

題叅可也爲此合咨前去查照施行等因移咨到部院准此擬合就行爲此牌仰該府官吏查照

來牌並准部咨事理卽將前項虹縣解淮米石作速查明報部又撥解淮庫銀兩解淮月日仍未開明作速逐一開明報部又邳州新涸田地應徵解倉銀一千一百五十一兩七錢一分零作速查明徵完報部如再不完卽將催徵職名開列以憑

題叅逐一照欵登荅依限詳報咨

題均毋遲違速速等因蒙此該卑府遵將部開各欵解淮銀兩逐一查對收簿登荅前件備造清冊至邳州未完銀兩卑府稔知錢糧關係緊急

不敢稍有寬緩日夕嚴提籤檄交催不遺餘力而該州怠玩性成並無完報雖稱於士民陳肇憲等民本案內

奏請蠲免見候撫院查

題尚未奉有部覆則該州知州孫居湜經徵怠玩之咎斷難爲之寬也伏乞本部院俯賜查覈具題等因到臣該臣看得鳳陽倉康熙二十五年七月二十八日起至二十六年七月二十七日止收放錢糧案內不符欵項經前總漕臣馬世濟准到部文檄行淮安府遵照去後及臣莅任接



管又經行催今據淮安府知府單務孜詳稱遵  
將部開各款逐一備造清冊至邳州未完銀兩  
不敢寬緩日夕嚴提籤檄交催而該州並無完  
報將該州孫居湜經徵怠玩初叅職名開報前  
來則邳州知州孫居湜經徵怠玩之咎臣不敢  
爲之寬也除原冊送部查覈外相應

題叅再照臣於本年四月初一日莅任接管合併  
聲明伏乞

勅部議覆施行康熙二十八年六月二十七日  
題

題接徵沐陽縣二十四年減存各款無完

題爲察覈通庫收支錢糧以清混冒事據淮安府  
知府單務孜詳稱蒙前總漕馬部院牌開康熙  
二十七年十二月二十一日准戶部咨開雲南  
清吏司案呈戶科抄出總漕馬世濟題前事康  
熙二十七年十一月初八日題本月二十三日  
奉

旨單務孜著議處具奏該部知道欽此欽遵於本月  
二十四日抄出到部奉此查得總漕馬世濟疏  
稱鳳陽等衛康熙二十四年分月糧案內減存

督漕疏 卷之六  
三  
銀兩米麥不符各款限期已滿並不確查開造  
則淮安府知府單務孜怠玩之咎不敢爲寬相  
應

題叅等因前來應將淮安府知府單務孜交與吏  
部議處至此案行查各款應令該督速行查明  
報部查覈可也爲此合咨前去查照施行等因  
移咨到部院准此擬合就行爲此票仰淮安府  
官吏查照來文並准部咨內事理卽將鳳陽等  
衛康熙二十四年分月糧案內減存銀兩米麥  
不符各款速行查明詳報以憑咨部查覈毋違

等因又蒙前任馬部院牌開康熙二十七年六  
月初十日准戶部咨雲南清吏司案呈查得先  
經本部將鳳陽等衛康熙二十四年分月糧案  
內減存銀兩米麥行令折銀同銀兩解部去後  
今原任總漕慕天顏造冊咨覆前來一鳳陽等  
衛減存月糧銀二百四十一兩九錢六分零米  
麥六百三十一石二斗折銀六百三十八兩四  
錢行令附搭解部今稱前項銀米麥內潁州等  
州縣二十四二十五年解淮銀一百八十二兩  
九錢四分三釐零灰石減存米二百六十七石



六斗九升零每石一兩二錢折銀三百二十一兩二錢三分五釐零月糧米一十二石每石九錢折銀一十兩八錢麥一十六石八斗每石五錢折銀八兩四錢已經撥准河工支用等語應令速行補還解部又鳳陽等衛二十六年解淮銀一百八十四兩灰石減存米一百四石一斗五升每石一兩二錢折銀一百二十四兩九錢八分零月糧米三十石每石九錢折銀二十七兩麥四十二石每石五錢折銀二十一兩應造入二十六年分

奏銷冊內報銷等語仍應速催照數解部但查前項銀兩比原數多開一百二十四兩九錢八分三釐零米麥比原數少開一百五十九石五斗五升六合零數目不符應令查明報部一二十年分蠲漕減存麥三千三百四十九石二斗折銀一千六百七十四兩六錢先令附搭解部今稱前項麥石內鳳陽等衛二十五年解淮麥二千四百三十三石二斗每石五錢折銀一千二百一十六兩六錢已經撥解河工支用等語應令速行補還解部又宿州長淮二衛二十六

年解淮麥九百一十六石每石五錢折銀四百五十八兩應造入二十六年分

奏銷冊內報銷等語仍應速催照數解部一永減月糧銀九千六百六十七兩三錢六分零先令速催解淮今稱前項銀兩內海州等州縣二十四二十五年解淮銀三千四百六十七兩四錢七分六釐零已經撥解河工支用等語應令速行補還解部又桃源等縣二十六年解淮銀六百六十兩五錢八分九釐零應造入二十六年分

奏銷冊內報銷等語應令速行照數解部又山陽等縣於欽奉

恩詔等事各案內蠲免銀三千一百一十兩六錢八分零將原咨冊移付江南司回稱蠲款冊內並未分晰鳳折銀兩應蠲細數無憑查覈等語應令速行分晰查明報部又邳州沐陽二州縣未完銀二千四百二十八兩六錢零等語應令作速催完如再不完卽行

題叅可也爲此合咨前去查照施行等因到部院准此擬合就行爲此牌仰該府官吏查照咨文



內事理卽便遵照部駁各款逐細查明有借撥  
應還者速行補還解部有應造入

奏銷者遵照仍行解部又前銀比原數多開米麥  
比原數少開不符情由查明登荅又山陽等縣  
應蠲鳳折銀兩查明分晰細數又邳沐二州縣  
未完銀兩速催完報如再不完卽將職名詳叅  
照款查明逐一登荅造冊詳報以憑覈覆等因  
蒙此當該卑府逐細查明另造具細冊並邳沐  
二邑未完銀兩任催無完職名詳叅在案蒙批  
仰候併冊覈明

題叅繳蒙此續蒙前任總漕馬部院牌開康熙二  
十八年三月初六日准戶部咨前事轉行到府  
又蒙前任馬部院牌開康熙二十八年閏三月  
初三日准吏部咨考功清吏司案呈奉本部送  
吏科抄出該本部覆戶部咨前事康熙二十八  
年三月初九日奉

旨依議欽此欽遵抄部送司相應移咨前去欽遵施  
行並黏單一紙內開除邳州知州黃日煥接任  
知州孫居湜沭陽縣知縣車萬備俱經別案革  
職無庸議外議得戶部咨稱鳳陽等衛康熙二

十四年分月糧案內不符款項行令查明去後  
今總漕馬世濟造冊具

題前來查冊開邳州沐陽二州縣未完銀兩先令  
將未完之官

題叅今稱邳州革職知州孫居湜等怠玩之咎不  
敢爲寬相應

題叅應交與吏部議處等因前來應將初叅沐陽  
縣知縣時發照例降俸二級戴罪督催等因移  
咨到部院准此擬合就行爲此票仰淮安府官  
吏照部覆奉

旨事理轉行欽遵毋違等因轉飭在案今奉前因該  
卑府查得康熙二十四年分淮屬州縣應徵鳳  
倉麥米折銀撥解淮庫供漕各款內除解收永  
減銀兩撥解河工奉行補還各數目另冊登荅  
外惟永減項下奉查山陽等縣欽奉

恩詔各案內蠲免銀三千一百一十兩六錢八分零  
並未分晰應蠲細數無憑查報應令速行分晰  
查明報部等因查永減項下原額銀九千六百  
六十七兩三錢六分按照各邑各案蠲停扣算  
該銀三千五十九兩六錢五分三釐二毫零實



該徵銀六千六百七兩七錢六釐零其應完之數較比部開之數仍多入免銀五十一兩二分五釐零查係睢邑十七年尚有溢完流抵銀五十七兩六錢一分註入實徵及實徵項下內有桃邑溢解銀六兩五錢八分四釐零未經挖出二項合算收除共符部開三千一百一十兩六錢八分零之數已經分晰剔入完解項下實開通共完過銀四千三百八十五兩六錢八分零逐細造具清冊呈送覆覈其邳沐二邑尚未完銀二千二百二十八兩六錢一分零前將邳州

經徵知州黃日煥接徵知州孫居湜沐陽縣經徵知縣車萬備接徵知縣時發遲悞職名詳請題叅已蒙部覆除黃日煥孫居湜車萬備已經別案革職無庸議應將初叅沐邑知縣時發照例降俸二級戴罪督催又經嚴督二邑完解去後迄今仍無完報今查沐陽縣知縣時發先蒙部覆降俸二級今應復叅而邳州知州孫居湜先經前任總漕馬部院因該州未完開列職名初叅部覆已經別案革職毋庸議但本官後經復任未完銀兩任催無完相應將該州怠玩職名

開報補叅伏候查覈具

題等因到臣該臣看得鳳陽等衛康熙二十四年分月糧案內減存銀兩米麥不符各款經前總漕臣馬世濟檄行淮安府遵照去後及臣莅任接管又經行催今據淮安府知府單務孜詳稱康熙二十四年分淮屬州縣應徵鳳倉麥米折銀撥解淮庫供漕各款內除永減銀兩撥解河工補還各數目另冊登荅惟山陽等縣欽奉

恩詔各案內蠲免銀三千一百一十兩六錢八分零並未分晰應蠲細數今按各邑蠲停扣算該銀

三千五十九兩六錢五分零較部開多免銀五十一兩二分零查係睢寧縣尚有溢完流抵銀五十七兩六錢零註入實徵及實徵內有桃邑溢解銀六兩五錢八分零未經挖出合算收除共符部開三千一百一十兩六錢零之數逐細造具清冊呈送其邳沐二邑尚未完銀二千二百二十八兩六錢一分零迄今仍無完報沐陽縣知縣時發先蒙部覆降俸二級今應復叅而邳州知州孫居湜經前任總漕臣馬世濟因該州未完開列職名初叅部覆已經別案革職毋



督漕疏草 卷之六  
庸議後經復任未完銀兩任催無完將職名開報補叅前來則沐陽縣接徵知縣時發邳州知州孫居湜等怠玩之咎臣不敢爲之寬也除原冊送部查覈外相應

題叅再照臣於本年四月初一日莅任接管合併聲明伏乞

勅部議覆施行康熙二十八年六月二十七日

題

題承催邳州鳳陽倉收放各款無完

題爲陳請錢糧實有可增之處應專委部員徵收事據淮安府知府單務孜詳稱蒙前總漕馬部院牌開康熙二十七年十二月十五日准戶部咨開雲南清吏司案呈准總漕咨鳳倉監督呈前事查得先經總漕將鳳陽倉監督恩丕康熙二十四年八月二十八日起至二十五年七月二十七日止收放錢糧各款咨報本部將不符款項行令查明去後今總漕馬世濟及鳳倉監督安楮庫造冊送部前來一給賑濟米麥內多

給米一石四斗五升先令查追報部今稱見在  
行令起解鳳倉等語應令作速解倉報部查覈  
一解淮庫銀五百八兩七錢六分又米麥折銀  
六百一十二兩八錢先令解部今稱前二項銀  
兩卽在淮庫二十五年

奏銷存剩銀內撥解河工濟用等語應令速催補  
還原款解部又鳳陽等衛解淮銀二十七兩六  
錢米麥七十二石先查淮庫二十五年

奏銷冊內並無收有此數行令查明今稱前項銀  
兩同米三十石每石九錢折銀二十七兩麥四

十二石每石五錢折銀二十一兩俱造入二十  
六年淮庫

奏銷冊內等語查與淮庫

奏銷冊內收數相符應無庸議一運通減存米二  
千三百九石六升先本部行令開明於何年分  
運通續據該督咨稱共米二千五百二石於二  
十五年分漕船內運通本部以比原數多米一  
百九十二石九斗三升零行令查明今稱前項  
運通米石內有懷遠縣米一百九十二石九斗  
三升零等語查前項米石旣經該督聲明應開



單移咨倉場查明咨部再議一解淮減存麥折銀一千二百一十六兩六錢先令解部今稱卽在淮庫二十五年

奏銷存剩銀內借撥河工濟用等語應令速催補還原款解部又長淮宿州二衛解淮麥九百一十六石先本部查淮庫二十五年

奏銷冊內並無此數行令查明今稱前項麥石每石五錢折銀四百五十八兩造入淮庫二十六

年  
奏銷冊內等語查與淮庫

奏銷冊內收數相符應無庸議一存留支給俸工等銀四千四百三十三兩三錢九分零先令將各衛應給銀數開明報部今據造冊送部隨將原冊移付江南司回稱二十五年屯衛

奏銷冊內鳳陽鳳中鳳右長淮四衛守千百總每員支給銀數相符至千總每衛止有二員百總每衛止有一員名數俱不相符又鳳左鳳前鳳後懷遠四衛裁缺守備四員每員銀一百九十三兩三錢九分零洪塘所千總一員俸工銀一百一十六兩七錢六釐零歸衛冊內止開各衛

督漕疏 卷之六  
千百總俸薪廩工等銀總數並未分晰每員裁扣細數等語均應移咨安撫逐一查明報部查覈一撥解淮庫銀七千八百六十五兩八錢六分零米四百八石先將二十三年分解交淮庫銀米造報本部以此項銀米係二十五年撥解淮庫之項何得將二十三年分解淮銀米混行造報行令將朦混各官

題叅今稱先因奉到部文未開年分故將二十三年分解淮銀米造報今將二十四年分解淮銀米造冊報部等語今查冊稱前項解淮銀兩併

新陞共銀八千一百三十三兩六錢五分零內銀三千六百三十六兩四錢五分零米三百三十石八斗五升每石一兩二錢折銀三百六十四兩六錢二分俱經借撥河工濟用訖應令速催補還原款解部又銀六百六十兩五錢八分零麥一百四石一斗五升每石一兩二錢折銀一百二十四兩九錢八分於二十六年解淮等語查與淮庫

奏銷冊內收數相符應無庸議又睢寧縣十七年溢解流抵銀五十七兩六錢一分零等語查流



抵銀雖經准抵在案今稱撥解河工支用應令補還原款解部又邳州銀二百兩於二十七年解淮等語應俟

奏銷到日查覈又山陽宿遷二縣免丁銀一千二百五十六兩九錢六分零等語查未開明何案准其蠲免應令查明報部又邳沐清三州縣未完銀二千二百二十八兩六錢一分零等語應令將經徵之官

題叅銀兩作速催完報部再查前項銀兩比原數多銀二百六十七兩七錢九分並未開明何州

縣新陞應令開明報部查覈一邳州有新涸田地應徵解倉銀一千一百五十一兩七錢一分零先稱該州有無新涸每年徑報淮安府查覈本部以此項應徵銀兩係解倉之項何得以徑報淮安府爲詞行令查明今稱已經檄行藩司查明俟到日並將推諉職名另行補叅等語應令作速查明補叅到日再議可也爲此合咨前去查照施行等因移咨到部院准此擬合就行爲此牌仰該府官吏查照來牌並准部咨內事理卽將款內撥解銀兩速具詳總河部院速催

補還原款解部具文詳報以憑咨覆等因蒙此該卑府遵照部開各款逐一查對收簿登荅前件備造清冊相應具文申送再查邳沐二州縣未完銀兩已於察覈通庫等事案內開列職名此案應否查議合併聲明伏乞查覈具

題等因到臣該臣看得鳳陽倉監督恩丕康熙二十四年八月二十八日起至二十五年七月二十七日止收放錢糧各款經前總漕臣馬世濟准到部文檄行淮安府遵照去後及臣莅任接管又經行催今據淮安府知府單務孜詳稱遵

照部開各款逐一備造清冊並冊開清邑未完銀六絲七忽三微零已據該縣完解江安糧道訖惟邳州承催見任知州孫居湜未完銀八百四十四兩一分零沐陽縣承催見任知縣時發未完銀一千三百八十四兩五錢九分零任催無完但已於察覈通庫案內亦開有該州縣職名又邳州新涸田地應徵解倉銀一千一百五十一兩七錢一分零從前誤執分爲解鳳解淮兩相推諉實係前任知州胡良弼黃日煥不行查確以致互異將各初叅職名開報前來則邳



州見任知州孫屠湜沭陽縣見任知縣時發等  
其承催不力之咎已於查覈通庫案內開報職  
名此案應否查議合聽部覆至邳州知州胡良  
弼黃日煥等將邳邑新涸田地應徵銀兩兩相  
推諉咎實難辭除原冊送部查覈外相應

題叅再照臣於本年四月初一日莅任接管合併  
聲明伏乞

勅部議覆施行康熙二十八年六月二十七日

題

奏銷漕標九營二十七年兵馬錢糧

奏爲銷算兵馬錢糧事案准戶部咨內開一切錢  
糧見在

奏銷而兵馬錢糧繁多猶爲喫緊合通行各督撫  
於年終將所轄各營各項兵馬收放過本折錢  
糧備開管收除在截日扣支等項清冊

奏銷等因通行移咨在案又於康熙十年五月初  
七日准戶部咨爲

題明展限事江南清吏司案呈抄蒙本部案驗廣  
東清吏司案呈奉本部送戶科抄出本部題前

事內開該臣等看得直隸各省因限期急迫故  
各該督撫稱限內難完每年具奏本朝案銀  
題寬限今議得自康熙十一年起直隸山東山西  
河南陝西等省

奏銷之事令四月終到部江南江西浙江湖廣等  
省

奏銷之事令五月內到部如有不照定限

奏銷者仍照定例議處恭候

命下臣部之日通行直隸各省督撫轉行所屬一體  
遵行可也等因康熙十年三月二十八日題本

月三十日奉

旨依議欽此欽遵抄部送司奉此相應通行案呈到  
部等因移咨在案除康熙二十六年收支兵馬  
錢糧業經前總漕臣馬世濟繕造

奏銷訖今照康熙二十七年漕標左右後廟鹽海  
東徐蕭九營收支過兵馬錢糧例應繕冊

奏銷臣遵行淮安府查造去後查此冊例係五月  
拜發前據淮安府知府單務孜詳稱覈造各營  
冊籍俱細心逐一磨算有東海營守備譚棟造  
冊舛錯遲悞詳報到臣臣已於六月初四日



題叅在案今據淮安府知府單務孜將各營官兵  
馬匹收支錢糧各數目覈造冊報到臣臣覆查  
漕標各營康熙二十七年共該實支俸餉馬乾  
等項銀十萬六百四十四兩四錢三分五釐四  
忽陸微米折銀一萬四千一百八十七兩一錢  
二分五釐九毫九絲九忽三微據俱按實支銀  
兩照數給發訖本色米麥二千八百二十九石  
四斗九升二合九圭三粟三顆三粒三黍三稷  
三禾三糠三粃三粃除支給過各營米麥二千  
七百五十五石六斗一升二合九圭三粟三顆

三粒三黍三稷三禾三糠三粃三粃尚欠給廟  
灣營兵米七十三石八斗八升據江蘇布政司  
撥派靖江縣康熙二十六年分南米臣屢檄嚴  
催尚未解到俟解到補給該營咨部外一面檄  
行江藩查取遲悞未完職名另行

題叅所有淮安府知府單務孜將動支各屬解到  
錢糧各欸及年分細數應銷錢糧遵照部頒冊  
式備造四柱清冊揭送戶部戶科覈銷外臣謹  
繕黃冊恭呈

睿覽伏乞

督漕疏 卷之六 五  
勅部議覆施行康熙二十八年七月初一日  
題

奏銷徐倉二十六年解給錢糧

題爲察覈通庫收支錢糧以清混冒事竊照漕項

錢糧例應年終

奏銷案准戶部咨開各省漕項彙入一疏查算甚  
屬繁劇嗣後各糧道所屬錢糧俱各分疏具

題等因奉

旨欽遵在案今照康熙二十七年起運二十六年分

漕項錢糧除浙江江安二糧道鳳陽淮安二倉

司各冊臣已分疏具

題並徐州倉造送各冊因有不符嚴行批駁仍未



造送臣將管理徐州倉知州王永清怠玩職名  
題叅在案今據該倉知州王永清將奉駁各冊造  
報到臣該臣看得徐州經管徐州倉康熙二十  
七年起運二十六年分徐州等衛行月等項銀  
一萬三千七百一十八兩六錢六分五釐八毫  
內已完解部並給發官丁俸工行月銀三千九  
百九十一兩一錢六釐存庫銀七千三十九兩  
五錢五分九釐八毫未完銀二千六百八十八  
兩本色麥豆一萬二千六百五十石四斗內抵  
兌徐州幫月糧麥豆二千八百八十石折銀解  
部本色並支給行糧麥三千二十八石四斗存  
倉麥六千七百四十二石將解給存貯各數冊  
報前來除原冊送部查覈外相應具

題伏乞

勅部議覆施行康熙二十八年七月初一日

題

題開復淮安衛備弁承追漕欠全完

題爲懇恩循例等事據江安糧道叅政周訓成詳

稱奉前總漕馬部院牌開康熙二十七年十二

月二十五日准兵部咨武選清吏司案呈奉本

部送案查先經戶部疏稱康熙二十年分運官

挂欠漕米限滿未完將承追淮安衛守備葉友

萑交與兵部議處等因本部將守備葉友萑承

追未完十分照例革職嗣據戶部疏稱淮安衛

守備葉友萑承追未完挂欠漕糧已經叅後在

任買完搭運應將原叅之案交與兵部查銷移



督漕疏直 卷之六  
咨倉場俟該衛漕船抵通之日照數查收等因  
本部因米石倉場尚未查收應將原叅之案查  
銷之處無庸議在案今據葉友萑呈稱承追二  
十年分挂欠漕糧已經叅後在任買完搭運切  
思萑係承追之員非運弁欠糧者比查定例有  
司錢糧不完叅後全完者准與復職留任旣不  
准留任亦應准與復職今米石久已收倉例應  
復職懇賜查明

題復等情前來查葉友萑承追漕欠米石果否在  
任全完八倉相應移咨總漕查明具

題到日再議可也等因呈堂奉批照行送司奉此  
案呈到部擬合就行爲此合咨前去煩爲查照  
施行等因移咨到部院准此擬合就行仰道查  
照來牌並准部文內事理卽查葉友萑承追漕  
欠米石果否在任全完入倉查明詳報以憑具  
題毋違等因到道奉此當卽轉行淮安府確查去  
後今據該府呈稱遵卽移准淮安衛回稱查得  
前任守備葉友萑承追康熙二十年分本衛頭  
幫運官王洽下漕欠米一千四百七十石七斗  
五升七合五勺四抄四撮八圭一粟是年因淮

屬異常水災將抵欠月糧奉示停徵以致限滿無完部議以十分未完照例革職叅後本職當時追買全完在本衛頭五兩幫搭運交倉查本職完糧係在康熙二十四年十二月而離任係在康熙二十五年四月實係在任全完如數入倉合將徐王二弁備照完呈移送等情到府准此該卑府查得原任淮安衛守備葉友萑承追康熙二十年分運官王洽名下漕欠米石果係在任俱已追買全完在於本衛頭五兩幫附搭運通知數交倉無欠今將取到存案備照完呈

詳覆查覈轉詳等因到道據此該本道查得淮安衛原任守備葉友萑承追康熙二十年分運官王洽名下漕欠米一千四百七十石七斗五升七合五勺零限滿無完致奉前總漕徐部院題叅革職旋卽在任追買全完附搭淮安衛頭五兩幫官丁運通知數交倉掣獲完呈存驗今行據淮安府詳覆並送完呈前來相應詳請院臺俯賜具

題開復等因到臣該臣看得淮安衛原任守備葉友萑承追康熙二十年分運官王洽名下漕欠



米一千四百七十石七斗五升零因限滿無完  
題叅革職在案經前總漕臣馬世濟准到部文行  
查葉友蕢承追漕欠果否在任全完行令查明  
具

題再議遵卽檄行江安糧道確查去後及臣莅任  
接管又經行催今據該糧道叅政周訓成詳稱  
承追米石在任追買全完附搭淮安衛頭五兩  
幫官丁運通如數交倉掣獲完呈存驗詳請開  
復前來臣查淮安衛原任守備葉友蕢承追漕  
欠米石旣經該道查明在任追買全完運通交

倉則原叅革職之案例應開復臣謹具

題再照臣於本年四月初一日莅任接管至此咨  
註語部文原未開全合併聲明伏乞

勅部議覆施行康熙二十八年七月初三日  
題

題失察咸寧縣那移錢糧職名

題爲錢糧那移有據各官懸欠宜清請賜

題叅以便並案催追事據湖北糧道叅議王道熙  
詳稱竊照錢糧關係

國帑遲久不完非係民欠卽是侵那本道查各屬  
未完銀兩盈千累百若非嚴查清楚逋欠愈久  
追補愈難今除清查未確者不開外如察覈通  
庫等事案內奉部行催康熙二十一年分江陵  
縣未完隨漕銀六百一十九兩六錢零本道行  
據荆糧官報稱實係原任江陵縣革職知縣唐



之驥已徵那移請將原任荊州府許廷試應還該員料豆銀五百兩及前任糧道李爲霖應還水脚銀一百一十九兩零坐抵竊思錢糧原有  
一定倉口以私欠而抵正供欲求按限清結萬  
不可得此急宜叅究者一也又如察覈通庫等  
事案內奉部行催康熙二十二年

奏報未完銀二千二百八十八兩四錢六分零查  
係江陵縣未完隨漕銀一千五百三十兩四錢  
九分零咸寧縣未完隨漕銀三百五十五兩八  
錢五分七釐廣濟縣未完隨漕銀四百零二兩

一錢一分零今除廣濟縣未完銀兩見在清追  
另報外其江陵縣未完銀一千五百三十兩四  
錢九分零本道行據該縣丁憂革職知縣王姚  
年詳稱前項銀兩俱係革職知縣唐之驥已徵  
未解咸寧縣未完隨漕銀三百五十五兩八錢  
五分七釐亦據該縣詳稱已故知縣王士瀚已  
徵未解今雖勒令伊子王魯楷清還杳無完解  
此急宜叅究者二也又如察覈通庫等事案內  
奉部行催康熙二十四年漕項

奏冊內未完銀三千三十八兩三錢二分六釐內

有通山縣未完銀二百五十三兩八錢八分零  
本道行據接任官報稱係原任革職知縣沈士  
薰已徵未解今雖見發武昌府審究尚未定案  
此應宜叅究者三也以上積欠銀兩確係已徵  
未解之項夫錢糧已徵在官歷年不解侵那顯  
然查已上三官有已經革職者有已經病故者  
革職之官自應於本員名下追解已故者自應  
於伊子名下清還惟是催追多載逋抗不完若  
不詳請

題叅不惟各官得以恣意耽延虛懸公帑而督催  
之官年限處分疊罹叅罰案牘日繁相應詳請  
本部院俯將各官已徵未解情由先行  
題叅轉行法司衙門嚴審侵那實據按欠追補從  
前奉行各案另請查銷統於叅案歸結庶侵那  
者知有

功令而接催督催之官均免叅罰矣再查前項那  
移銀兩葉前道任內已經報叅祇緣逆賊叛亂  
人民驚竄前詳遺失未到今本道係照原詳具  
文補叅合並聲明等因奉前馬部院批江陵等  
縣各年銀兩雖稱已徵未解之項或係官役侵



欺或係那移別用其從前道府各官因何徇隱不報俱未查確不便率參仰卽遵照查明侵那情由並失察各官職名一併詳報以憑

題參毋得徇延繳奉此本道當卽轉行武荆二府確查侵那實據並從前失察知府職名去後今據武昌府詳稱該職府查得原任咸寧縣王士瀚未完康熙二十二年隨漕銀三百五十五兩八錢五分七釐零先據該縣接任詹令詳爲察覈通庫等事詳稱催據王令嫡子王魯楷回稱前項未完銀兩係故父任內因康熙十九年動

支正項買備往廣大兵草束不准開銷遞年那空之項委係軍供那用尚未補足楷願設備等情在案再查原任通山縣沈士薰未完康熙二十四年隨漕銀二百五十三兩八錢八分零一於康熙二十五年十二月初五日爲酌行摘催等事一於康熙二十六年正月十八日爲察覈通庫等事二案奉葉前道檄發令前府比追前府裴守查訊而該令以民欠爲詞當提該縣經承方聯玉與沈令關移清軍朱同知研審隨准該廳關復詰問沈知縣供稱因備辦軍供槽刀

鍋桶那動銀一百一十五兩其餘一百三十八兩零雖稱見有民欠仍應於沈令名下追補等情據關詳明批行在卷祇緣該員因裁兵猖變逃避江南屢請咨提未到至今懸案難結是二令未完俱因軍供那用於察覈通庫等事及酌行摘催等事案內審追在案其從前失察之官乃原任武昌府降調知府裴天錫相應一並呈報伏乞俯賜轉詳批奪等因據此又據荊州府詳稱該職府查得江陵縣康熙二十一二兩年未完隨漕一案乃係前任經徵知縣唐之驥督

催知府許廷試任內事也今職府檢查康熙二十一年未完隨漕銀六百一十九兩六錢八釐八毫八絲四忽八微六塵四纖乃係唐之驥已徵在庫因部催康熙十九年未完隨漕並里納脚米限期已屆故那抵前項希免叅罰其未完康熙二十二年隨漕銀一千五百三十兩四錢九分零亦據唐令冊報此項銀兩於康熙二十二年九月內大兵臨荆圍住東城奉前撫王都院暨

欽差大人諭令不拘何項錢糧動用修砌界墻當撥



卷之六  
康熙二十二年民欠隨漕銀一千五百三十兩四錢九分六毫五絲二忽六塵四纖修砌事竣統入八千餘兩之內詳明前任藩司轉詳在案等因各冊報到府據此職府隨經據冊轉賁藩司彙請撫院覈奪在案矣今奉查取江陵縣康熙二十一二兩年隨漕銀兩或係官役侵欺或係那移別用因何徇隱不報並取前守失察職名擬合將該縣冊報那用情由同前任知府許廷試督催失察職名一並詳報俯賜查閱轉達等因據此該本道覆查得原任江陵縣革職知

縣唐之驥康熙二十一年未完隨漕銀六百一十九兩六錢零康熙二十二年

奏報未完隨漕銀一千五百三十兩四錢九分零原任咸寧縣已故知縣王士瀚康熙二十二年未完隨漕銀三百五十五兩八錢五分七釐零原任通山縣革職知縣沈士薰康熙二十四年未完隨漕銀二百五十三兩八錢八分零本道莅任之後於殘卷內檢出葉前道叅稿一紙始知前銀俱係各官已徵未解之官因逆賊梗阻前詳遺失未到是以查照葉前道詳稿具文補

叅今奉院批仰道查明侵那情由並失察各官職名詳報本道因係隔手之官無憑徑報當卽凜遵轉行武荆二府確查去後今催據武昌府回稱咸寧縣病故知縣王士瀚已徵未解康熙二十二年隨漕銀三百五十五兩八錢五分七釐零係王令任內軍供那用又通山縣革職知縣沈士薰已徵未解康熙二十四年隨漕銀二百五十三兩八錢八分零內有沈令那備槽刀鍋桶銀一百一十五兩餘銀一百三十八兩八錢八分零雖稱民欠仍應於沈令名下追補等

情又據荊州府詳稱江陵縣革職知縣唐之驥已徵未解康熙二十一年隨漕銀六百一十九兩六錢零係唐令那抵康熙十九年未完隨漕脚米折銀又已徵未解康熙二十二年隨漕銀一千五百三十兩四錢九分零係唐令那修駐荆大兵界牆等情各到道竊照錢糧關係

國帑定例毋許那移况經徵收在官豈容將完作欠本道忝司糧務分合清釐若不詳請叅追終成莫結之懸案茲奉前院批查失察職名敢不凜遵開報隨查咸寧縣康熙二十二年未完隨



漕銀兩當日造報

奏銷者係原任革職糧道尚崇善原任武昌府降  
調知府裴天錫通山縣康熙二十四年未完隨  
漕銀兩造報

奏銷者係原任殉難糧道葉映榴原任武昌府降  
調知府裴天錫江陵縣康熙二十一二兩年未  
完隨漕銀兩造報

奏銷者係原任革職糧道尚崇善原任荊州府革  
職知府許廷試相應開列各官失察職名一並  
詳報伏乞本部院俯賜

題叅等因到臣該臣看得錢糧徵收解給俱有一  
定欵項難容朦混那移其有已經徵收不行起  
解反那別項支用者均干嚴例今據湖北糧道  
叅議王道熙詳稱咸寧縣病故知縣王士瀚已  
徵未解康熙二十二年隨漕銀三百五十五兩  
八錢五分七釐零係王令那用又通山縣革職  
知縣沈士薰已徵未解康熙二十四年隨漕銀  
二百五十三兩八錢八分零內係沈令那用一  
百一十五兩餘銀一百三十八兩八錢八分零  
雖稱民欠仍應於沈令名下追補又江陵縣革

職知縣唐之驥已徵未解康熙二十一年隨漕銀六百一十九兩六錢零係唐令那抵康熙十九年未完隨漕脚米折銀又該縣已徵未解康熙二十二年隨漕銀一千五百三十兩四錢九分零係唐令那用至失察職名當日造報  
奏銷者乃原任革職糧道尚崇善殉難糧道葉映榴原任武昌府降調知府裴天錫原任荊州府革職知府許廷試將那移失察職名開報前來  
臣查前項銀兩既係徵收在官復又那移別用將完作欠仍應於各名下追補則咸寧縣病故

知縣王士瀚通山縣革職知縣沈士薰江陵縣革職知縣唐之驥等那移之咎臣不敢爲之寬也其原任革職糧道尚崇善殉難糧道葉映榴原任武昌府降調知府裴天錫原任荊州府革職知府許廷試等既係失察咎亦難辭但內有已經病故革職之員合併陳明以聽部覆臣謹題叅伏乞

勅部議覆施行康熙二十八年七月初三日

題



題邳州僧廟被盜疎防文武職名

題爲邳州僧廟被盜特叅疎防文武各官事康熙

二十八年五月二十八日據江蘇按察司按察

使高承爵詳爲報明事康熙二十八年三月二

十一日奉總督傅部院牌開案據宿遷營遊擊

章紘呈據守備林寧呈據把總洪道隆報據城

安社鄉保姚華鳳張起行報稱身社查得三官

廟僧人楊和尚於康熙二十八年二月初四日

夜間被盜六七人越墻而過竊物遇僧人互相

爭敵其僧力弱被賊打倒用火拷壞盜去香爐

督漕疏 卷之六  
李  
一個破被一床鋤頭一把鎗一桿錢九十文身  
等不敢隱匿理合呈報等情轉報到部院據此  
合行查叅仰司卽將廟僧楊和尚被盜行劫真  
情夥黨是否止有六七人失賊開報之外尚有  
何等財物盜旣爭敵會否械傷人口某某被火  
燒壞會否斃命各緣由嚴查明白開列疎防各  
職名依限通報會叅逸盜飭緝務獲毋得遲違  
等因於康熙二十八年三月二十三日奉江撫  
洪都院批據邳州詳報楊和尚被盜緣由蒙批  
仰按察司嚴查勒緝究報並取職名通詳仍候

督漕二部院批示繳又奉本都院批據淮徐道  
呈詳前事蒙批仰按察司並查報叅仍候督漕  
二部院批示繳又奉本都院批據該府詳報前  
由蒙批仰按察司並查報叅仍候督漕二部院  
批示繳等因到司又於康熙二十八年閏三月  
初七日奉前任總漕馬部院批據淮徐道並黏  
連該府詳報楊和尚被劫緣由蒙批仰江蘇按  
察司確查上盜情形夥賊的數並取疎防各文  
武官職名逐一查明通報會叅繳二詳黏發等  
因於康熙二十八年閏三月十三日奉前任總



漕馬部院批據邳州詳報前事蒙批楊和尚於二月初四日被盜已據淮安府詳批行該司確查矣仰江蘇按察司遵照前批併查通詳速報以憑覈奪會叅繳各等因批司奉此遵卽備移淮徐道併行淮安府嚴拿真盜並查疎防文武各官職名去後今據該府詳稱康熙二十八年二月十九日據邳州詳稱康熙二十八年二月初八日據吏目張仲申稱本月初八日據城安社鄉保姚華鳳張起行呈報前事報稱身社查得三官廟住持僧人楊和尚於本月初四日夜

被賊六七人越墻而過竊物遇僧其僧被賊打倒用火拷壞偷去香爐一隻破被一床鋤頭一個鎗一桿錢九十文身等不敢隱匿理合據實呈報等情到職據此事干盜情理合具文申報等情到州據此該卑州看得踰墻偷盜似係竊賊但用火拷壞僧人殊類強盜行徑隨率捕役親至城安社三官廟內勘係古廟一座孤住野外並無鄰佑其東西小村相隔半里有餘廟內僧人三名喚問楊和尚你是何處人呢供是南京人去年來的又問叫甚名字供名叫法舟這

小和尚是徒孫名叫一賢這新來的和尚是徒弟名叫道元在南京棲霞寺住他來接僧人上南京去因姚山主相留未去問是幾時失事的供是初四夜裏問有多少賊來呢供黑夜看不真約有六七個問從何處進來呢供從西墻頭扒入小的見了就喊起來那賊把小的打了一棍說僧人有幾千錢僧人甚窮並沒有錢就用火拷了又將一賢也拷起來拿了一床破布被子一雙鞋子一把鋤頭一桿鎗一個供佛小銅爐去問還拿甚財物呢供並沒得與他拿了問

這道元因何不拷呢供他躲了未曾拷他問你可認得賊麼供他拿住僧人就將衣服朦著頭不認得他問可識他聲音麼供不認得聲音只聽見他罵問賊手拿甚兇器呢供有一把刀一條鐵棍別的俱是小木棍子又問道元一賢口供俱同又問李從住你是莊鄰廟內有賊如何不救護呢供小的離的遠不知道至天明和尚去說纔曉得的又問杜起鳳你是東鄰這廟內失事如何不救呢供小的隔半里多路他被盜如何得知况這和尚窮得緊那知賊子來偷他



小的到次早纔知道的又問鄉保姚華鳳初四夜廟上被賊你初五就該報了如何到初八日纔報呢供小的出外使船並沒在家初八日回家纔曉得的等情各供在案卑職看係事干盜情除一面飛差捕役嚴限躡拿獲到審明另報外合就具文申報等情到府據此當將詳批開仰將上盜情形夥賊確數火燒僧人有無斃命逐一訊明速行通報並開報疎防職名以憑詳叅仍嚴比捕役勒限緝賊務獲審詳毋再遲延干咎繳等因批行去後隨該卑府通詳督漕撫

三部院暨本司准徐道在案一面移行營廳州確查去後續准宿遷後營章遊擊移稱康熙二十八年二月十六日戌時據中軍守備林寧呈稱本月十五日申時據邳汛把總洪道隆報稱本月十三日據城安社鄉保姚華鳳張起行報稱身社查得三官廟僧人楊和尚於本月初四日夜間被賊六七人越墻而過竊物遇僧人互相爭敵其僧力弱被賊打倒用火拷壞盜去香爐一個破被一床鋤頭一把鎗一桿錢九十文身等不敢隱匿理合呈報等情據此該卑職查

得本月初四日夜間僧人被盜而鄉保姚華鳳等具報卑職一面率兵嚴緝外理合具文報明等情到職據此該卑職除一面復行該弁嚴緝並查明確實另文再報外今據前由合先呈報等情到府據此本府查得邳州城安社楊和尚於二月初四日夜間被盜復行該備將上盜情形賊夥確數會否焚房傷人并疎防弁兵有無救追各情由查明確實至日另文再報事關盜情除通報各院外相應移會等因准此又於三月十四日據邳州詳稱卑職遵卽飭委捕衙單

騎親詣城安社三官廟內訊問楊和尚失事被賊燒灸並上盜情形劫去贓物有無斃命等因飭委去後續據捕衙申稱等因蒙此卑職親詣城安社三官廟內備細確詢據楊和尚供稱二月初四日夜黑影裏有六七個人從西牆頭扒入僧人見了就喊起來那一個賊就把僧人打了一棍僧人也拿棍打他卽把僧人拿住用火拷著要錢僧人說我是窮和尚並沒有錢賊說我們也知道你沒錢不過借你些糧食你到打我們的人就拿去香爐一個錢九十文破被一



床鋤頭一把鎗一桿鞋一雙僧人原說好了就回南京去鄉保報了就是一樣了如今身子平復了要回去鄉保說這事報過官如今你去不得了故此僧人還在這裏等情據此擬合具文呈報等情申州據此該卑職查看得賊人乘黑踰墻入三官廟內偷盜僧物實係破被香爐鞋鋤等件其火拷僧人已經平復無恙今奉本府行查事理遵卽備由通報見在嚴比捕役加緊緝拿容俟獲到賊犯審解除詳督漕撫部院俱蒙批行前因到司備行到府蒙此俱經節次移

行營廳州確查上盜情形賊夥確數並取踈防各職名去後續據邳州詳稱卑職隨卽差役王朝將姚華鳳等喚齊到州逐一確詢問鄉約姚華鳳楊和尚初四日夜失事你爲甚麼初八日方報供小的在外使船至初七日晚間纔到家說和尚失了事小的初八日一早就上城同保長報的若是小的在家何敢遲延又問姚山主叫甚名字他爲何不到呢供他是淮徐道差役上班去了名字叫姚君第問保長張起行楊和尚初四日失事爲甚麼初八日方報供張起行

是小的兒子小的叫張承秀因窮家裏有桌子一張於初一日用車子推了往丁家嘴去換大麥吃離家有一百二十里路一路上陰雨阻隔初七日晚上纔到家知道和尚失事小的初八日一早同鄉約就報的小的兒子往安東去傭工如今不在家裏不知幾時回來問李從任你

是莊鄰賊去偷和尚你爲何不救供小的離的遠不知道天明和尚去說纔知道的問杜起鳳你是鄰佑和尚失事怎麼不救供小的隔的遠如何得知况和尚又窮的緊那知賊來偷他小

的天明纔知道的等情供吐在案據此該卑職查得楊和尚失事一案於康熙二十八年二月初四日夜失事鄉保姚華鳳張起行於本月初八日呈報吏目張仲當日申報續於三月初一日接奉批詳卑職隨委捕衙單騎親至楊和尚廟內訊據賊夥確數上盜情形火灸僧人已經平復卑職又將情節逐一聲明於三月初三日通詳在案再查城安社三官廟離城三十里等情據此又准宿遷後營章遊擊移稱准此隨行中軍守備林寧查報去後今據該備行據邳汛



把總洪道隆回稱卑職案查邳州城安社地方  
失事相隔城東三十里今蒙前因理合將卑職  
把總職名具文一併呈覆計開邳州專汛把總  
洪道隆等情到職據此理合轉報等情到府據  
此查專汛職名係把總洪道隆兼轄則係本府  
擬合移覆等因到府准此該淮安府知府單務  
孜查得邳州城安社地方三官廟內住持僧人  
楊和尚於康熙二十八年二月初四日夜間被  
盜一案節奉院行確查上盜情形賊夥確數並  
取疎防文武各職名遵卽移行營廳州查取去

後今據該州審據僧人法舟供稱二月初四日  
黑夜裏看不真約有六七個賊執持刀棍從西  
墻頭扒入棍打火拷事主賊用衣服朦頭劫去  
錢被等件是時鄉保姚華鳳張起行外出均至  
初七日方回於初八日赴吏目具呈報州轉報  
惟夥盜確數以獲盜審供爲憑雖據僧人供係  
六七賊之數不過黑夜約略之詞且真盜未獲  
盜數尚難懸定其奉查疎防職名文職捕官係  
邳州吏目張仲印官知州孫居湜總捕則係署  
本府軍捕通判事山盱河務同知劉暄也知府

不係同城職名例免開報武職專汛係漕標宿  
遷後營把總洪道隆兼轄則係遊擊章紘也至  
城安社離城三十里僧人法舟一賢被賊拷傷  
旋經痊愈相應一併聲明等因到司據此又准  
淮徐道移稱准宿遷後營手本移報邳州地方  
三官廟楊和尚被盜等情隨一面駁行該州確  
查上盜情形夥賊實數在案今據該府回稱查  
明城安社地方離城三十里訊據三官廟內住  
持僧人法舟卽楊和尚供稱二月初四日黑夜  
看不真約有六七個賊執持刀棍從西墻頭扒

入棍打火烤事主賊用衣服朦頭劫去錢被等  
件飽颺而去是時鄉保姚華鳳張起行外出均  
至初七日方回於初八日赴吏目具呈報州轉  
報其盜數必以獲盜審供爲憑今真盜未獲難  
以懸定至失主法舟一賢被傷俱經平復等情  
詳覆前來查疎防職名文職捕官係邳州吏目  
張仲印官係知州孫居湜總捕則係署通判事  
山盱河務同知劉皚兼轄乃本道僉事常君恩  
也知府不係同城例應免開職名武職專汛係  
漕標後營把總洪道隆兼轄則係遊擊章紘也



等因備移到司准此該本司查得邳州城安社三官廟僧人楊和尚被盜一案該社離城三十里廟建野外並無村鄰住僧三名一係楊和尚卽法舟及其徒道元徒孫一賢也康熙二十八年二月初四日夜賊執刀棍從西墻扒入捉住法舟一賢用火烤燒劫去錢被等物鄉保姚華鳳張起行外出俱於初七日方回初八日赴吏目具呈報州轉報至盜賊確數黑夜莫辨應俟獲賊審定法舟一賢傷經平復此案疎防文職係邳州吏目張仲邳州知州孫居湜署淮安府

軍捕通判事本府山盱河務同知劉皚淮徐道僉事常君恩也武職專汛係漕標後營把總洪道隆兼轄該營遊擊章紘也合併敘明伏候覈叅等因呈詳到臣該臣看得邳州離城三十里城安社三官廟僧人楊和尚於康熙二十八年二月初四日夜被賊各執刀棍等械從西墻扒入捉住楊和尚卽法舟並徒孫一賢用火烤燒劫去錢被等物鄉保呈報到官轉報前總漕臣馬世濟當經批行確查盜賊確數並開報疎防職名詳叅去後臣莅任接管復經催查今據江

蘇按察使高承爵詳稱此案盜賊確數黑夜莫辨應俟獲賊審定其楊和尚卽法舟並徒孫一賢傷俱平復所有疎防文職捕官係邳州吏目張仲印官乃邳州知州孫居湜總捕係署淮安府軍捕通判事本府山盱河務同知劉暄兼轄則淮徐道僉事常君恩也知府不係同城例免開列職名其疎防武職專汛係宿遷後營把總洪道隆兼轄則宿遷後營遊擊章紘也旣據該司呈詳前來臣謹會同江南江西總督臣傅臘塔江寧巡撫臣洪之傑江南提督臣楊捷合詞

題叅伏乞

勅部議覆施行康熙二十八年七月初三日  
題





